

7 0 7 Auegaltman die 770t

Eu

**F**

Welch  
hat/v  
neun  
nach  
ers fu  
freunde  
frenn  
wet eu  
den/d  
auch  
busse  
der bu

hat/s  
anzun

# Euangelium von dem Verlorenen Schaf.

Luce. xv.



**F**naheten aber zu im  
allerley Zölner vnd Sünder / das  
sie in höreten / Vnd die Phariseeer  
vnd Schriftgelerten murreten vnd  
sprachē / Dieser nimpt die sunder  
an vnd isset mit inen. Er saget aber  
zu inen dis gleichnis / vnd sprach /  
Welch mensch ist vnter euch / der hundert schafe  
hat / vnd so er der eines verleuret / der nicht lasse die  
neun vnd neuntzig inn der wüsten / vnd hin gehe  
nach dem verlornen / bis das ers finde. Vnd wenn  
ers funden hat / so leget ers auff seine achseln mit  
freunden / vnd wenn er heim kompt / rüffet er seinen  
freunden vnd nachbarn / vnd spricht zu inen / Fre-  
wet euch mit mir / denn ich habe mein Schaf fun-  
den / das verloren war. Ich sage euch / also wird  
auch freude im himel sein / vber einen sunder der  
busse thut / fur neun vnd neuntzig gerechten / die  
der busse nicht bedürffen.

Odder welch weib ist / die zehen grosschen  
hat / so sie der einen verleuret / die nicht ein liecht  
anzünde / vnd kere das haus / vnd suche mit vleis /

A ij bis

bis das sie in finden? Vnd wenn sie in funden hat/  
 ruffet sie jren fründinnen vnd nachbarinnen/vnd  
 spricht/Frewet euch mit mir / denn ich habe mei/  
 nen grosschen funden/den ich verloren hat/  
 te. Also auch / sage ich euch/wird freu/  
 de sein fur den Engeln Gottes /  
 vber einen sunder / der  
 busse thut.

Dis Euanger



*[Faint, mostly illegible text in Gothic script, likely bleed-through from the reverse side of the page.]*



re/Vn/  
 liche v/  
 mensch/  
 es jder/  
 ber wi/  
 wol/d/  
 doch C/  
 lesst/n/  
 lesst w/  
 anders/  
 mehr /  
 bald ab/  
 drossen/  
 haben

Hierinn  
 sehen /  
 zeigt /  
 folgen  
 Christo  
 sie nah  
 hören





## Es Euangelium helle

auch inn sich die .lere/welche wir  
fur vnser heubtlere halten vnd rhü-  
men/vnd die rechte Christliche le-  
re heisset/nemlich/von der Gnade  
vnd Vergebung der sunde/wid-  
der des Gesetzes vnd werck le-  
re/Vnd ist imer schade/das solch trefflich/tröst-  
liche vnd fröliche predigt/ein Gottloser vrecher  
mensch hören sol/Vnd noch viel jemerlicher/das  
es iderman so bald ausgelernet/vnd meister drü-  
ber wird/vnd lesset sich düncken/er könne es so  
wol/das er nichts mehr dran lernen dürffe/So  
doch Gott vnser Herr sich selbs nichts verdriessen  
lest/noch müde wird/das ers jerlich/ja alle tage  
lest/widder holen vnd treiben/als wisse er nicht  
anders zu predigen/vnd kan selbs keine kunst  
mehr/Vnd wir armen elenden lent/werden so  
bald allzu gelert/vnd dazu so satt/müde vnd vber-  
drossen/das wir nicht mehr lust noch liebe dazu  
haben.

Ehe wir aber den selben Artikel angreifen/  
hierinn geleret/wollen wir das Capitel forne an-  
sehen/das S. Lucas als zur Vorrede setzet/vnd  
zeigt/was Christo ursach geben habe/zu solcher  
folgender predigt/vnd spricht/Es haben sich zu  
Christo gethan/Zölner vnd allerley sunder/das  
sie nahe bey vnd umb in wolten sein/vnd sein wort  
hören/Vnd drücktets frey dürr heraus/was er  
A iij fur lente

fur leute vmb sich gehabt habe/nemlich/die offent  
lich lebeten/wie sie nicht leben solten / vnd rechte  
schaffene sunder vnd böse leute hießen / Das es  
scheinet/die Phariseer haben ursach gnug gehabt/  
in zu taddeln/das er/der ein frumer heiliger man  
sein wolt/mit solchen gemeinschaft hatte.

Denn Zölner/hiesse man dazu mal/die leut/  
hin vnd her inn landen / so von den Römern ei  
ne stad/zol/odder sonst eine pflege odder ampt be  
stunden/vnd inen ein genant gelt dauon gaben/  
Wie jtz der Türck odder die Venediger einem eine  
stad odder ein ampt einthun / vnd so viel tausent  
gülden des jars drauff schlagen/die er dauon ge  
ben mus/vnd was er darnach darüber erschindet/  
das ist sein/Also thaten jene auch/die solche zöll  
vnd auffgelegt gelt/einnamen/das sie jren gewin  
dauon hatten / Vnd weil die selbe summa gros  
war/also auff eine stad odder ampt geschlagen/  
so mussten solche amptleut / gar getrost schinden/  
das sie jren genies dauon hetten / Denn jre herrn  
spannetens inen so genaw/das sie nicht viel kund  
ten erobern / wenn sie wolten recht handeln vnd  
niemand vbersetzen/Daher waren sie berüchtiget  
im gantzen land/das es solche schinder weren vnd  
nicht viel frömdkeit vnd erbarkeit bey inen zu suchen  
were. Des gleichen hies man Sünder/den andern  
grossen hauffen ins gemein hin / die sonst rohe  
leute waren/vnd offentlich inn schendlichem wil  
den wesen lebeten/im geitz/hurerey/rc. Solche  
finden sich hie zu Christo/vnd komen darumb/das  
sie in auch hören wöllen/weil sie gehört hatten/  
das er

das er e  
thet / v

Nu  
gent vnd  
haben/v  
sehen v  
er ein fr  
von im l  
sich jr w  
met mit  
das sie n  
dern zu j  
en könn  
hen vnd  
gen geb  
Schriff  
ligsten g  
sie so gi  
feind si  
sondern  
sunder z  
ten gebe  
das er si  
chen / E  
Wer wi  
zu solch  
ein Sch  
vnd ein  
felle.

Solc

das er ein trefflicher man war / der viel wunder  
thet / vnd kundte trefflich predigen.

Nu ist dennoch ein füncklin odder zwey der tu-  
gent vnd erbarkeit inn jnen / das sie zu Christo lust  
haben / vnd gerne wolten seine predigt hören / vnd  
sehen was er thette / weil sie doch wissen / das  
er ein frumer man ist / vnd nichts denn eitel guts  
von jm hören / beide an worten vnd wercken / das  
sich jr wesen gar nicht reimet / noch vber ein stim-  
met mit seinem leben / Vnd dennoch so frum sind /  
das sie nicht jm feind sind noch fur jm fliehen / son-  
dern zu jm lauffen / vnd ja nichts böses an jm such-  
en können / sondern wollen etwas guts von jm se-  
hen vnd hören / vnd hoffnung da ist / das sie mö-  
gen gebessert werden. Da gegen die Phariseer vnd  
Schriftgelerten / welche fur die frömsten vnd heil-  
ligsten gehalten vnd gerühmet wurden / noch sind  
sie so giftige würm / das sie nicht allein Christo  
feind sind / vnd in nicht sehen noch hören wollen /  
sondern auch nicht leiden können / das die armen  
sunder zu jm komen / vnd in hören / das sie möch-  
ten gebessert werden / Ja murren vnd tadeln in /  
das er sie zu jm lefft vnd bey sich leidet / vnd spre-  
chen / **Sihe / Ist das der treffliche heilige man ?**  
**Wer wil nu sagen / das er von Gott sey / weil er sich**  
**zu solchen buben vnd bösen leuten hellt ?** Ja er ist  
ein Schlemmer vnd Prasser ( sagen sie anderswo )  
vnd ein weinschlauch / der Zölner vnd Sunder ge-  
felle.

Solchen namen mus er haben / von den heiligen  
leuten /

leuten / nicht das er schwelge vnd mit fresse vnd  
sauffe / sondern allein daher / das er solche leste zu  
im komen / vnd nicht von sich stoffet noch verach-  
tet / Da er solt so gethan haben / im grawen rock  
gangen / sawr gesehen / vnd von gemeinen leuten  
gesondert / vnd wo er solche gesehen / die nasen zu  
gehalten / vnd die augen weg gekeret haben / das er  
nicht von jnen beschmeisset würde / Wie sie pfleg-  
ten zu thun / als heilige leute / wie auch Jhesu von  
jnen schreibt / das sie sich so rein gehalten haben /  
das sie nicht kundten leiden / das sie ein sunder an-  
rühret / Wie man auch sibet am Exempel / Luce. vii. wie  
sich der Phariseer so vnnütz machet / wider Chri-  
stum / das er sich liesse anrühren von dem sündigen  
weiblin / Das waren nu die / so in allzeit meister-  
ten / vnd im wolten fur schreiben vnd regel stellen /  
wie er solt heiliglich leben vnd sich halten / dar-  
umb murren sie hie / das er sich nicht zu jnen hellt /  
vnd nicht solche öffentliche sunder meidet / wie sie  
thun.

Nu ist Christus auch ein wenig eigensinnig /  
vnd zeiget alhie / das er schlecht wil vngemeistert  
vnd aller dinge vngewunden sein / Wie man auch  
allenthalben im Euangelio sibet / das ein sonder-  
licher eigensinn inn dem man steckt / der doch  
sonst so gelind / willig vnd dienstlicher man war /  
als auff erden nicht ist / Aber wenn sie an in ko-  
men / mit Gesetzen / vnd wollen in meistern / so ist  
alle freundschaft aus / stoffet vnd prallet zu ruck /  
als ob man auff ein anbos schläge / redet vnd thut  
nur das widderspiel / des / das sie von im foddern /  
ob sie

ob sie g  
füren /  
So so  
ten / vnd  
re / vnd  
selbs so  
vnd das  
fur sich  
wollen  
darnach

2  
gesetz /  
ist gleich  
get / da  
hetze v  
sen vn  
sichs n  
Gesetz  
ers doc  
eine sp  
text / 2  
digeter  
vnd G  
Sabbat  
durch d  
ten vnd  
da er d  
vñ ge  
meinun  
helt in  
ne dein

ob sie gleich recht vnd wol sagen/vnd Gottes wort  
füren/Wie sie hie thun / da sie komen vnd sagen/  
So soltestu thun/ du soltest dich zu frumen hal-  
ten/vnd nicht zu sundern/Das ist ein köstliche le-  
re/vnd aus der Schrift genomen / Denn Mose  
selbs so schreibet/das sie sollen die bösen meiden/  
vnd das böse aus jnen thun / Den text haben sie  
für sich/ vnd komen getrolt mit irem Mose/ vnd  
wollen ir gesetz auff den man schlagen/ vnd in  
darnach regieren.

Aber es heisse Gottes gesetz odder menschen  
gesetz/so wil er kurtz vmb vngewunden sein/Vnd  
ist gleich wie ein Einhorn/von welchem man sa-  
get / das mans nicht könne lebendig fahen/man  
hetze vnd jechte es wie man wolle/erstechen/schies-  
sen vnd tödten lesst sichs wol / aber fahen lesst  
sichs nicht/Also thut er auch/ob man gleich mit  
Gesetzen an in wil/vnd vber in schlehet/so leidet  
ers doch nicht/sondern reisset hindurch/wie durch  
eine spinwebe / vnd liefet jnen dazu einen guten  
text/Als Matth.xij. da sie seine Jünger beschül-  
digeten/das sie ehern ausreufften am Sabbath/  
vnd Gottes gebot fürwendeten / man solle den  
Sabbath feiren/rc. keret er es gar vmb/vnd reisset  
durch das gebot/beweiset dazu/beide mit Schrif-  
ten vnd exempeln das widerspiel/Item/Matt.xvj  
da er den Aposteln verkündigt / wie er solt leiden  
vñ gecrentzigt werden/vnd Petrus auch aus guter  
meinung / mit dem Gesetz der liebe erfür kompt/  
helt im Gottes gebot für/vnd spricht/Derr/scho-  
ne dein selbs/das widerfare dir ja nicht / Da gibt  
B er im

fresse vnd  
he lesst zu  
ch verach-  
awen rock  
nen leuten  
e nasen zu  
ben/das er  
e sie pfleg-  
Jesaja von  
en haben/  
under anrü-  
nce.vij.wie  
odder Chri-  
sundigen  
eit meister-  
gel stellen/  
kten/ dar-  
nen hellt/  
oet/wie sie  
gensinnig/  
gemeistert  
man auch  
in sonder-  
/der doch  
man war/  
an in ko-  
tern/so ist  
t zu rüch/  
e vnd thut  
foddern/  
ob sie

er im anch ein gut starck Capitel/vnd feret in vbel  
vnd vnfreundlich an/vnd spricht / Deb dich von  
mir/du Teuffel/denn du meinst nicht was Gots  
tes ist/sondern was menschlich ist.

Summa/allenthalben/wo man nur mit Ges  
setzen mit im anfehret zu handeln/so wil ers nicht  
leiden/sondern frey sein von allen Gesetzen/vnd  
ein Herr vber die selbigen / vnd gibt solchen be  
scheid/damit er sie zu ruck stoffet/vnd wil gar kein  
Gesetz nicht halten/als müsse ers thun/Vnd doch  
widderumb/wenn es von im selbs gehet/so ist kein  
Gesetz so klein / das er nicht gerne thue / ja viel  
mehr thue/denn das Gesetz foddern künde/Das  
man kein willigern/dienstlichern menschen kund  
finden / wenn man in vngemeistert lesset / Ja er  
lesst sich so tieff erunter / das er seinem Derrheter  
Juda die füsse wesschet vnd küffet/vnd selbs seine  
Jünger des nachts decket (wie die Legend von im  
sagt / vnd wol zu glenben ist ) wie er auch selbs  
spricht/Ich bin nicht komen/das man mir diene/  
sondern das ich iderman diene ꝛc. Da gehören ja  
werck des Gesetzes zu/aber nicht als aus dem Ges  
etz oder durchs gesetz erzwungen/Wie man auch  
sihet an seinem leben/das er jmer im land hin vnd  
widder zeucht vnd gehet/schlefft des nachts auff  
der erden/fastet vierzig tag/vnd hat keine ruge/  
vnd machets so viel mit erbeiten/das sie sorgten/  
er würde von sinnen komen / odder seinem leib  
schaden thun/Vnd thut alles was er jmer sol vnd  
kan/Dn allein/das er wil vngezwungen sein/vnd  
kein Gesetz auff sich schlagen lassen / Vnd wo  
mans

man  
aller  
nigst  
kein  
man  
wil/  
sintst  
von j

wir l  
dem  
Gese  
Den  
er sol  
wie e  
sond  
so se  
den/  
sein/  
vnse  
schle  
teile  
nach  
den  
wed  
Ba  
heit  
kein  
Der  
Ch  
sche

mans anseheth/da sperret vnd weret er sich auff  
aller herteste/Also ist er beide auff's aller eigensin-  
nigste/vnd auch auff's aller gütigste/vnd zu gleich  
kein halstarriger man/vnd auch kein dienstlicher  
man/der nichts thun wil/was man von jm haben  
wil/vnd doch alles thut/vnd vbergehet/wie eine  
sintflut/mit guten wercken/wenn man in nur lesst  
von jm selb thun/on meistern vnd leren.

Das ist nu vns geschehen zum Exempel/das  
wir lernen/was ein recht Christen mensch ist/nach  
dem Geist / vnd nicht von jm richten nach dem  
Gesetz / noch in meistern nach vnser Klugheit/  
Denn darumb ist auch Christus vnser Herr/das  
er solche leut aus vns mache/wie er selbs ist/vnd  
wie er nicht leidet/das man in mit Gesetzen binde/  
sondern ein Herr ist vber Gesetz vnd alle ding/Al-  
so sol es auch eines Christen gewissen nicht lei-  
den/Denn wir sollen so hoch gesetzt vnd gefreiet  
sein/durch den Christum vnd seine Tauffe / das  
vnser gewissen von keinem Gesetz wisse / sondern  
schlecht von dem selben vngemeistert vnd vngew-  
teilet bleibe / das vns nicht anders zu mut sey/  
nach solchem innwendigen wesen des gewissens/  
denn als sey nie kein Gesetz auff erden komen/vnd  
weder zehen noch ein gebot/weder Gottes noch  
Papsts odder Keisers/sondern allzeit inn der frei-  
heit stehen/das wir können sagen/Ich weis von  
keinem Gesetz/vnd wil auch von keinem wissen/  
Denn inn dem stand vnd wesen / da durch wir  
Christen sind/da hören auff vnser vnd aller men-  
schen werck / Also auch alle Gesetze / Denn

W ij wo kein

wo kein werck ist/da kan auch kein Gesetz sein/  
das da werck foddere / vnd spreche / das soltu  
thun/ das soltu lassen / Sondern wir sind schle  
chts durch die Tauffe vnd durch Christus blut  
frey von allen wercken/aus lauter gnad vnd barm  
hertzigkeit gerecht/vnd leben auch allein der sel  
ben fur Gott/Das ist/sage ich/vnser schatz/nach  
dem wir Christen sind/vnd fur Gott leben vnd be  
stehen/Denn wie wir nach dem eusserlichen we  
sen inn fleisch vnd blut leben sollen/fur der welt/  
das gehöret hieher gar nichts.

Darumb mus ein Christen sein gewissen auch  
so lernen regiren / das er im daselbs kein Gesetz  
lasse machen/Sondern/wo man im wil damit bin  
den vnd gefangen nemen/das er sich dagegen we  
re/vnd thu/wie Christus hie vnd anderswo thut/  
da er sich so eigensinnig/seltzam vnd wunderlich  
machtet / das kein Moses noch Gesetz treiber mit  
im kan aus komen/so er doch sonst der aller demü  
tigst/gelindest vnd freundlichste man ist. Aber das  
ist ein treffliche grosse kunst / die auch niemand  
kan/on er allein/welcher ist des ein meister gewe  
sen/der da kund alle Gesetz vnd Gesetzlerer zu rück  
stossen / Aber wir könnens nicht dazu bringen/  
Denn der Teuffel hat sein spiel/inn vnserm fleisch  
vnd blut/wenn er einen menschen ergreiffet im ge  
wissen / vnd dahin bringet/das er mit im dispu  
tirt/was er gethan vnd nicht gethan habe / vnd  
kompt inn die handlung/da man handlet / beide  
von vnser sunden vnd fromkeit/so ist er inn eine  
leimgruben vnd tieffen schlamm gefurt/das er nicht  
kan

kan her  
senckt w  
last/vn  
damit /  
stellen /  
nicht ka  
vnd mic  
das ich  
handlen  
schweig  
gnug ge  
wird nic  
sumpff/  
er alle w  
zeugen/  
erfaren.

Da  
so gesch  
vnd gese  
get / vnd  
isset er m  
vns esse v  
umb reu  
was ma  
jmer so l  
sage/Nu  
men noc  
höchste  
fur Gott  
lich gefa  
greiffet v

tan heraus komen/vnd nur tieffer vnd tieffer ver-  
senckt wird/Denn es ligt auff jm als ein schwere  
last/vnd drücket in / das er gehet vnd frisset sich  
damit / vnd sich nicht kan erheben/noch zu fride  
stellen / Wie ich an mir selbs füle / das ich mich  
nicht kan eraus erbeiten/ob ich wol jmer erbeite/  
vnd mich drüber würge/aus dem loch zu komen/  
das ich dem Gesetz möcht antworten vnd mit jm  
handlen / vnd so viel zu wegen bringen / das es  
schweigen müste / vnd sagen / Wolan / nu hastu  
gnug gethan/nu bin ich mit dir zu friden/Aber da  
wird nicht aus/Denn es ist ein solche gruben vnd  
sumpff/daraus niemand vermag zu komen/wenn  
er alle welt zu hülff neme/wie die können mit mir  
zeugen/die es versucht haben / vnd noch teglich  
erfaren.

Das machet nu/das vnser gantze Natur als  
so geschickt ist / das sie kurtz vmb mit wercken  
vnd gesetzzen wil vmb gehen/vnd hören was es sa-  
get / vnd denen folgen / die da sagen / Warumb  
jisset er mit den Jolnern vnd sundern? Wenn er mit  
vns esse vnd trüncke/so thete er recht/Item/War-  
umb reuffen deine Jünger die ehern aus/vnd thun  
was man nicht thun sol/am Sabbath zc. vnd wil  
jmer so lang mit jm handeln vnd disputirn/bis es  
sage/Nu bistu from/Denn sie kan nicht höher ko-  
men noch verstehen/denn das des Gesetzes lere die  
höchste lere/vnd seine gerechtigkeit das beste leben  
fur Gott sey / Bleibt also inn dem selben ewig-  
lich gefangen vnd gebunden/Vnd wie sie es an-  
greiffet vnd versuchet/kan sie es doch nimer mehr

B ij dazu

Dazu bringen/das sie darüber keme/vnd das Gesetzkünde stillen/das es nichts von jr zu foddern noch zu straffen habe/sondern nur jr leben lang darunter gefangen bleiben/als inn einem ewigen Kercker/Vnd ihelenger sie sich damit würet vnd schlegt/ihelenger sie es macht/bis sie drüber gar zu boden gehet.

Wie sol ich jm denn thun/wenn das Gesetz mir zusetzet vnd mein gewissen drenget/weil ich füle/das ich nicht thu was es foddert? Antwort/Sihe/wie hie Christus thut/vnd dagegen seinen kopff auff setzet/vnd machet sich auch eigensinnig/vnd wil kein Gesetz auff sich lassen treiben/ob es wol aus Gottes Gesetz genommen ist/Also lerne du auch thun/vnd dürre zu jm sagen/Liebes Gesetz/las dein disputirn anstehen/vnd gehe deines weges/denn ich hab mit dir nichts zu schaffen/Ja eben darumb/das du kompst vnd wilt mit mir handeln vnd fragen/wie from ich sey/wil ich dich nicht hören/Denn es gilt hie nicht was ich bin vnd thun sol/odder nicht/sondern was Christus ist/gibt vnd thut/Wir sind itzt inn dem schlaff kernerlin/da braut vnd breutgam allein sollen sein/da gebürt dir nicht hin zu komen/noch etwas drein zu reden.

So klopfets aber gleich wol jmer an/vnd spricht/Ja/du solt dennoch gute werck thun/Gottes gebot halten/wiltu selig werden/Antwort abermal/Dörestu wol/das itzt nicht gilt danon zu handeln/Denn ich habe schon meine gerech-  
tigkeit

tigkeit  
inn me  
selig/e  
dazu d  
nicht v  
wo das  
Darun  
inn jre  
chem s  
darff/  
Gesetz  
meln v  
von sic  
greiffe  
kompt  
da es  
inn de  
Jhesu  
lidden  
weiche  
Gesetz  
was  
odder

S  
furbil  
sen kei  
halten  
Christ  
den/v  
mein

tigkeit vnd heubtstück aller seligkeit/on alle werck  
jnn meinem Herrn Christo/vnd bin schon zuvor  
selig/ehe du komest/das ich deiner gar nichts  
dazu darff/Denn(wie ich gesagt habe)wo  
nicht werck gelten/da gilt auch kein Gesetz/vnd  
wo das Gesetz nicht ist/da ist auch nicht sünde/  
Darumb sol da nichts/denn alleine die Braut  
jnn irem Kemerlin/mit Christo regiren/jnn wels  
chem sie alles mit einander hat/vnd nichts bes  
darff/was zur seligkeit von nöten ist/Vnd das  
Gesetz heraussen lassen bleiben/mit seinem tru  
meln vnd pfeiffen/vnd getrost verachten/vnd  
von sich stossen/wenn es das gewissen wil ans  
greiffen/Denn es gehöret nicht hieher/vnd  
kompt zur vnzeit/vnd wil da zu thun haben/  
da es nicht hin komen sol/Denn hie sind wir  
jnn dem Artikel/der da heisset/Ich glaube an  
Ihesum Christum meinen Herrn/fur mich ges  
liden/gestorben/aufferstanden/ꝛc. dem sol  
weichen/beide Moses vnd Keisers vnd Gottes  
Gesetz/Vnd sol nur frisch weg schlagen/alles  
was mit mir disputirn wil/von sünde/recht  
odder vnrecht/vnd allem was ich thun mag.

Sibe/solche freiheit wil vns hie mit Christus  
furbilden/das wir/als Christen/kurtz im gewis  
sen keinen meister leiden/sondern schlecht vns des  
halten/das wir getaufft sind/vnd beruffen zu  
Christo/vnd durch in gerecht vnd geheiligt wor  
den/vnd sagen/Das ist mein recht/mein schatz/  
mein werck vnd alles/widder sünde vnd vnrecht  
(das das

( das das Gesetz machen vnd auff mich bringen  
kan ) Wiltu ander recht / werck / gesetz / sünde ha-  
ben / so nim sie wo du wilt / bey mir soltu kein stat  
finden. Also künde sich ein mensch wehren vnd be-  
stehen / widder des Teuffels eingeben vnd anfecht-  
tung / es sey von vergangen odder gegenwertigen  
sunden / Also / das man diese beide weit von einan-  
der scheide / Mosen vnd Christum / werck vnd glau-  
ben / gewissen vnd eusserlich leben / das / wo das  
Gesetz an mich wil / vnd mein hertz erschrecken / da  
ist zeit / das ich dem lieben Gesetz vrlaub gebe / vnd  
wo es nicht wil / getrost hinweg schlahe / Vnd  
spreche / Ich wil gerne gute werck thun vnd for-  
dern / wo ich kan / zu seiner zeit / wenn wir vnter die  
leut komen / Aber hie im gewissen / wil ich nichts  
dauon wissen / da lass mich nur vnuerworren / vnd  
sag mir nichts dauon / Da höre ich weder Mosen  
noch Phariseer / sondern meine Tauffe vnd Chri-  
stus sol hie allein regieren vnd alles sein / vnd wil  
gleich wie Maria zu seinen füßen sitzen vnd sein  
wort hören / Aber haussen sol Martha bleiben /  
vnd inn der küchen vmbgehen / vnd jr hauswerck  
thun / Vnd summa / das gewissen mit Friden lassen.

Wie aber / wenn ich gleichwol teglich sündi-  
ge? das ist ja nicht recht. Antwort / Ja / das ist  
war / Ich bin ja ein sunder / vnd thu vnrecht / Aber  
darumb nicht verzweuelte noch inn die helle gelau-  
ffen / noch fur dem Gesetz geflohen / Denn ich ha-  
be noch ein recht vnd werck / vber den Mosen / da-  
durch ich ergreiffe den / der mich ergriffen hat /  
vnd halt mich an den / der mich vmbfangen hat  
inn der

inn der  
durchs  
aller sei  
Wo de  
Mosen  
bücher  
schwei  
kein re  
wol nic  
dem C  
gelt vn

E  
kunst /  
ren sol  
grobe  
behelf  
was d  
das G  
nicht  
dem a  
cht er  
schefli  
wertig  
nimpt  
viel m  
vnd d  
So st  
sein /  
mag f  
harre  
plage

inn der Tauffe/vnd inn seinen Schoß gelegt/vnd  
durchs Euangelium gefoddert zur gemeinschafft  
aller seiner güter/vnd heisst mich an in glauben/  
Wo der ist/da heisse nur flugs die Phariseer vnd  
Mosen mit seinen Tafeln/alle Juristen mit iren  
büchern/alle menschen mit iren wercken/still  
schweigen vnd weichen/Denn da hat kein gesetz/  
kein recht zu verklagen noch zu foddern/ob ichs  
wol nicht gethan habe noch thun kan/Denn inn  
dem Christo hab ich alles reichlich/was mir man  
gelt vnd feilet.

Solchs ist/sage ich/der Christen lere vnd  
kunst/vnd gehöret allein dahin/da Christus regi  
ren sol/vnd das gewissen mit Gottt handelt/Aber  
grobe leute verstehens nicht/nemen dauon einen  
behelff zu leben wie sie wollen/Vnd sagen/Do/  
was darff ich gute werck thun/hat doch Christus  
das Gesetze auff gehalten etc. Das gilt nu auch  
nicht/Denn hie mustu Christum ansehen auff  
dem andern ort/was er mehr thut/Denn hie sprich  
t er selbs; er sey der Man/der das arme verloren  
scheflin suche/vnd beweiset daz mit der gegen  
wertigen that/das er die Sünder vnd Zölner auff  
nimpt vnd inen predigt/Da wirstu sehen/das er  
viel mehr ausrichtet/denn das Gesetz geboten hat/  
vnd dich mit solchem Exempel auch so thun leret/  
So stoltz ist er/das er nicht wil vnter dem Gesetz  
sein/Vnd doch viel mehr thun/denn das Gesetze  
mag foddern. Also lebe du auch/das du nicht erst  
harrest/bis man dich mit dem Gesetz treiben vnd  
plagen müsse/sondern on Gesetze von dir selbs  
C      thust/

thust/was du thun solt / Wie S. Petrus vermanet. j. Pet. ij. Als die freien/doch nicht als hettet jr die freiheit zum deckel der bosheit /sondern als die knechte Gottes/vnd Paulus/Roma. vj. Tu jr frey worden seid von der funde/seid jr knechte der gerechtigkeit/ das sind die/die alles mit freiem gewissen on zwang vnd Gesetzhun.

Denn wo das Euangelium recht ist im hertzen/da macht es solchen menschen/der nicht so lang harret /bis das Gesetze kompt/sondern ist so vol freuden inn Christo/Inst vnd liebe zum guten/das er gerne iderman hilfft vnd wol thut/wo er kan/aus freiem hertzen/ehe er ein mal an das Gesetze dencket/wagt sein leib vnd leben gar hinan/vnd fragt nichts darnach/was er darüber leide /vnd wird also vol guter werck/die von sich selbs daher fließen / Gleich wie Christus /gezwungen nicht wil einen strohalm auff heben/aber vngezwungen leßt er sich fur mich vnd alle welt ans Creutz schlagen/vnd stirbt fur das verloren scheslin/Das heissen ja werck vber werck.

Dem nach lerne nu wol vnterscheiden /vnd diese beide stück recht zulegen vnd teilen/wenn es zum treffen kompt/da das Gesetz vnd funde mit dem gewissen disputirt/das du dem Mose getrost inns maul greiffest/vnd heiffest in schweigen/vnd weifest in heraus auff den Alten menschen/mit den funff sinnen/Den füre zu Mose inn die Schwel/le/das er mit jm disputire/vnd spreche /Dörstu/du bist zu mal faul vnd treg zu geben/vnd dem nehesten

*Vnus legi in  
uisificatis*

hesten  
so trin  
soltest  
stu viel  
kanst/  
fort w  
gehen  
hen/d  
den E

D  
ist sol  
hören  
euffer  
meiste  
sen/g  
sten w  
vnd p  
vmb s  
welt a  
den/v  
euffer  
willig  
ob w  
sich s  
seln v  
Geset  
2  
solt h  
wil ic  
ich ei  
welch

besten zu dienen / Wo du soltest Christum loben/  
so trinckestu lieber ein Kandel biers aus / Ehe du  
soltest fahr stehen vmb Christus willen / so raube  
stu viel lieber / vnd betreugest den nehesten / wo du  
kannst / Fur den selben faulen schelmen / der nicht  
fort wil / vnd die fenst nicht erbeiten / die fusse nicht  
gehen / wo sie sollen / die augen nicht züchtig se  
hen / da magstu steinern tafeln nemen / vnd auff  
den Esel damit schlagen / das er fort müsse.

Darumb / wo du mich angreiffest / da es recht  
ist (sol man zu Mose sprechen) so wil ich dich gerne  
hören vnd folgen / nemlich / die faust vnd mein  
eusserlich leben / da magstu regiren / wie ein Zucht  
meister vnter dem gesind im hause / vnd mich heis  
sen / gehorsam / züchtig / gedultig sein / dem nehe  
sten wol thun vnd dem armen helffen / Gott loben  
vnd preisen / vnd mich lassen schenden vnd lestern  
vmb seines worts willen / vnd leiden / das mir die  
welt alle plag anlegt / Des bin ich alles wol zu fri  
den / vnd wil wol mehr thun / denn ich nach dem  
eusserlichen menschen thun kan / Denn der geist ist  
willig (spricht Christus) vnd mehr denn willig /  
ob wol das fleisch schwach ist / Denn also lesst er  
sich selbs beschneiden / inn Tempel opffern / geis  
seln vnd creutzigen / der jm keines not ist noch das  
Gesetz von jm zufoddern hat.

Aber wenn du wilt weiter greiffen / da du nicht  
solt hin komen / inn mein hertz vnd gewissen / da  
wil ich dich weder hören noch sehen / Denn da hab  
ich einen andern grossen vnaussprechlichen schatz /  
welcher heisset Christus mit seiner Tauffe vnd

C ij      Euange

Euangelio. Summa/was den eusserlichen menschen trifft/da kanstu nicht zu viel auff legen noch treiben / Aber dem gewissen soltu nichts vberal aufflegen/ Denn wo der Geist ist/der vns Christum bringet/der ist vber alle Gesetze/wie Paulus sagt/Dem gerechten ist kein Gesetz gegeben/Vnd thut doch gleich wol mehr / denn er nach dem fleisch erfüllen künde/Denn nach dem selben sind wir sunder / vnd vnser person halben müsten wir wol vnter dem Gesetz bleiben/Aber vmb Christus vnd der Tauffe willen / schweben wir hoch vber alle Gesetze.

Also sol Moses auffer Christo sein grob werck vben/das er treibe vnd from mache für der welt/die/so nicht Christen sind/Denn die Christen macht er nicht from/aber das thut er wol/das er inen zeigt/was jr ampt ist/das sie zuuor gerne thun/vnd auch viel mehr thun/on das das fleisch nicht so hernach wil/noch dem geist folgen kan/das sie desselben halben auch noch vermanens vnd anhaltens bedürffen/aber gleich wol das gewissen frey bleibt/das das Gesetz kein recht an jm hat/Daher mus man inn der Christenheit solche lere vnd vermanen auch gehen lassen (wie auch die Apostel gethan haben) das man einen jglichen ermane vnd erinnere/was er inn seinem stand thun sol/ Den andern aber/so nicht Christen sind/da mus man Mosen gar regiren lassen/vnd beide faust vnd gewissen damit beschweren / das er sie zwingen vnd plage/das sie müssen thun/was recht ist/vnd das böse lassen/ob sie es gleich nicht gerne thun/Als  
da ist

da ist/  
so die f  
stehen  
tzen v  
brauch  
ssen/d

**I**  
ssen k  
dünck  
odder  
inn so  
dem G  
dafür  
D wel  
besteh  
blöde  
das si  
noch a  
geteile  
schaff  
lens a  
ten/k  
man s  
wil/ik  
ein an  
vnd S  
len gu  
müsse  
sonder  
ben.

da ist/der mutwillige pöbel vnd halsstarrige volck/  
so die freiheit Christi nicht achten odder nicht ver-  
stehen/ob sie wol können vom Euangelio schwe-  
tzen vnd rühmen / vnd doch nur desselben mis-  
brauchen zu irem mutwillen/Die selben sollen wis-  
ssen/das sie vnter Mosen gehören.

Denn das sind nicht die leute/die diese lere fas-  
ssen können / die so sicher daher gehen / vnd sich  
düncken lassen / sie dürffen des Euangelij nichts/  
odder können sonst wol/Sondern allein die / die  
inn solcher disputation stehen des gewissen mit  
dem Gesetz/vnd iren sunden vnd Gottes zorn/vnd  
dafur erschrecken/vnd fülen/das in jr hertz sagt/  
O wehe/wie hab ich gelebt? wie wil ich für Gott  
bestehen? vnd also hin gehen/allzu forchtsam vnd  
blöde/da die andern allzu hart vnd vermessen sind/  
das sie kein gesetz noch ire sunde vnd not fülen  
noch achten/Vnd ist also mit beiden vnrecht aus-  
geteilet/das die/so nichts mit dem Gesetz solten zu  
schaffen haben / die habens allzu viel / ja sie fü-  
lens allein/Die andern aber/die es allein fülen sol-  
ten/kömen sich nichts vberall damit/Ja ihe mehr  
man sie mit dem Gesetz vnd Gottes zorn schrecken  
wil/ihe herter sie werden/Darumb gehöret auch  
ein ander Meister für sie / nemlich / der Dencker  
vnd Stockmeister/der sie lere/wenn sie nicht wol-  
len guts thun/inn Gottes namen/ das sie es thun  
müssen inn eines andern namen/vnd keinen danck/  
sondern hellisch feur vnd alle plage/zu lohn ha-  
ben.

C iij Dagegen

Dagegen wil Christus hie vnd allenthalben  
(wie ich gesagt habe) beide mit seinem Exempel  
vnd seiner predigt vns leren / die wir vnser sünde  
vnd gesetzes last fülen / vnd gerne wolten Christen  
sein / das wir vns auch gewehnen dagegen zu weh-  
ren / vnd von vns auff jene weisen / vnd nicht dem  
Teuffel rawm lassen / der da wil durch das Gesetz  
Christo seine Braut kamer auff brechen / vnd sich  
an seine stat setzen / das ist / dem gewissen seine  
freude vnd trost nemen / auff das er den menschen  
inn verzweuelung treibe / das er nicht könne den  
kopff noch sein hertz fur Gott auffrichten / Denn  
das heisset der Christen kunst / als die etwas mehr  
lernen vnd wissen sollen / denn der gemeine rohe  
hauffe weis vnd verstehen kan / nemlich / das sie  
sich mit dem Teuffel können schlagen / vnd in be-  
stehen / wenn er vns angreiffet / vnd aus dem Wo-  
se mit vns disputirn wil / Also / das man im nur kei-  
ner disputatio vnd handlung gestebe / sondern  
schlechts von Mose zu Christo weise / vnd bey dem  
selben bleibe / Denn er allein damit vmbgehet /  
das er vns listiglich von Christo auff den Mosen  
locke / Denn er weis / wo ers dazu bringt / so hat er  
schon gewonnen.

Darumb sihe nur darauff / das du dich von der  
bahn nicht füren / noch aus diesem kreis locken  
lassest / Sondern / ob er schon viel vom Gesetz fur  
hellte / als das auch Gottes wort sey / dem du schül-  
dig seiest zu gehorchen / so kanstu im antworten /  
vnd sprechen / Hörestu wol / das ich itzt vom kei-  
nem Gesetz wissen noch hören wil / Denn wir sind  
itzt

itzt inn  
nicht f  
wie m  
sünde  
sol / D  
nen ar  
jna sei  
sage m  
wir nu  
fest vn  
auswe  
mir au

E  
recht v  
so we  
Peter  
vnd Z  
vnd he  
leben /  
vnd eig  
vnd g  
selb all  
das ist  
mehr  
wege l  
vnd m  
hören  
schreck  
nicht h  
wölle  
solt

itzt inn dem Zirckel vnd auff dem platz / da man  
nicht fragt / was ich thun vnd lassen sol / sondern  
wie man einen gnedigen Gott vnd vergebung der  
sunde krieget / vnd den Artikel von Christo lernen  
sol / Da wil ich bleiben / dem Herrn Christo inn sei-  
nen armen / vnd mich an seinen hals hengen / vnd  
inna seine Tauffe kriechen / Gott gebe / das Gesetz  
sage mir / vnd mein hertz füle / was es wolle / Wenn  
wir nur das heubtstück rein / vnd vnser Schlos-  
fest vnd wol verwaret behalten / so wil ich darnach  
auswendig gerne thun vnd leiden / so viel man  
mir auffleget.

Sibe / wer diese kunst wol lernete / der were ein  
recht volkommen mensch / wie Christus gewesen ist /  
so weit vber alle Gesetz / das er dürffte auch Sanct  
Peter einen Teuffel heissen / die Phariseer Narren  
vnd Blindeleiter / vnd Mose inns manl greiffen  
vnd heissen still schweigen / vnd also gar on Gesetz  
leben / vnd doch alle Gesetz erfüllen / beide stoltz  
vnd eigensinnig / widder alles was in wolt binden  
vnd gefangen nemen / vnd doch auch von sich  
selb allen menschen dienstlich vnd vnterthan / Aber  
das ist allzeit der mangel / das wir solchs nimer  
mehr recht lernen können / sondern der Teuffel im  
wege ligt vnd dahin füret / das wir es umbkeren /  
vnd nur allzu willig vnd demütig sind / das wir  
hören alles was das Gesetz sagt / vnd dafur er-  
schrecken / da wir solten den kopff auffsetzen / vnd  
nicht hören noch folgen. Widderumb auswendig  
wöllen allzu seer inn die freiheit geraten / Da wir  
solten dem leib getrost drücken vnd mit dem Ge-  
setz vben /

thalben  
Exempel  
er sünde  
Christen  
zu weh-  
icht dem  
as Gesetz  
vnd sich  
sen seine  
menschen  
inne den  
n / Denn  
as mehr  
ine rohe  
/ das sie  
nd in be-  
em Mo-  
i nur kei-  
sondern  
bey dem  
bgebet /  
i Mosen  
so hat er

o von der  
s locken  
esetz fur  
u schül-  
worten /  
vom kei-  
wir sind  
itzt

setz vben/das er müste leiden alles was im wehe  
thut/weil er noch jmerdar sundigt / Also/das die  
sunde hie aussen bleibe/da sie bleiben sol/vnd jren  
Mosen habe / der jr auff dem rucken lige vnd trei-  
be/ Inwendig aber keine sunde noch gesetz regire/  
sondern Christus allein mit lauter gnade / freude  
vnd trost / So gieng es alles recht / vnd were der  
mensch geschickt zu allem guten / beide alles zu  
thun vnd zu leiden / mit lust vnd willigem / fröli-  
chem hertzen / aus einem feinen rechtschaffenen  
glauben der gnaden Gottes durch Christam / Al-  
so/das das gewissen ein herr bleibe vber alle Ge-  
setz/aber das fleisch vnter allen Gesetzen.

Wer nu solchs kan/der dancke Got/vnd sehe zu/  
das ers nur nicht zu wol könne/nach sich grosser  
kunst vermesse / Denn ich vnd meines gleichen/  
könnens ja noch nicht / wie wirs können solten/  
ob wirs wol am meisten versucht / vnd am lengsten  
getrieben haben / Denn es ist / wie ich gesagt habe/  
eine solche kunst / die niemand kan / denn die Chris-  
ten / vnd müssen alle schüler bleiben / vnd jr leben  
lang dran lernen / on allein die andern sichern gei-  
stern / welche könnens allein alles / Aber eben fur  
solcher vermeinter kunst nichts vberal können/  
vnd damit am aller weitesten dauon komen sind /  
Vnd kein verdrieslicher ding / noch grösser jamer  
vnd schaden der Christenheit widerferet / denn  
durch solche klüglinge / als durch welche alles vol  
rotten vnd secten wird / vnd eitel solche leute / die  
weder Gott noch der welt dienen / weder das Ge-  
setz noch Euangelium recht hören / sondern ihenes  
sicher ver

sicher v  
vnd im  
auch ni  
werd si  
lernen  
hören/  
sie vns  
eiteln d

**S** m  
so  
Gesetz  
vnd de  
schöne  
spricht  
dert sch  
zig inn  
ren/bi  
sinnig  
meister  
auch d  
grosser  
nichts  
sie mit  
jr hert  
ten/vr  
sie sell  
mit eh

**D**  
das er

sicher verachten/vnd dieses vberdrossen werden/  
vnd jmer ander lere suchen / Aber wir predigen  
auch nicht vmb der selben willen/als die es nicht  
werd sind/vnd von Gott gestrafft/das sie es nimer  
lernen noch etwas danon bringen/ob sie es gleich  
hören/Also/das doch wirs alleine behalten/vnd  
sie vns nichts danon nemen/on allein/das sie den  
eiteln dohn vnd klang danon hören.

**S** Als sey das erste stück/so Christus hie leret/  
mit seinem Exempel/wie man vnser gewissen  
solle frey behalten / von allem disputirn des  
Gesetzes / vnd von allem schrecken Gottes zorns  
vnd der sunde. Nu wollen wir auch ansehen die  
schöne predigt des Herrn / da er anfehlet / vnd  
spricht / Welcher mensch ist vnter euch/der hun-  
dert schafe hat/der nicht lasse die neun vnd neun-  
zig inn der wüsten/vnd hingehe nach dem verlo-  
ren/bis das ers finde ꝛc. Er ist nicht allein eigen-  
sinnig/der Herr Christus/das er jren worten vnd  
meisterschafft nicht folgen wil / sondern zeiget  
auch desselben gute ursache/vnd widerlegets mit  
großer feiner kunst/stopffet jnen das maul/das sie  
nichts dawidder zu mucken haben/ja beschleusst  
sie mit jrer eigen that vnd Exempel/das sie sich inn  
ir hertz schemen müssen/das sie jm solchs anmu-  
ten/vnd an jm tadeln/inn so grossen sachen/das  
sie selbs thun inn viel geringern sachen/vnd dazu  
mit ehren wollen thun.

Denn wie könd er jnen besser antworten/denn  
das er sagt/ Ir grossen Meister/vnd lieben Klüg-  
linge/

linge/wolt jr mich das heissen vnd leren / das ich  
die armen sunder sol von mir stossen / die mein be-  
geren / vnd zu mir komen / das sie mich hören mö-  
gen : so jr doch selbs vmb eines verloren scheslins  
willen viel mehr thut / wo jr vnter hunderten eines  
einigen vermisset / vnd lasset die neun vnd neunzig  
jnn der wüsten ( das ist / auff dem feld bey den hür-  
ten ) allein stehen / vnd lauffet dem einzelnen hun-  
dertesten nach / vnd habt keine ruge / bis jrs widder  
findet / Vnd heisset das wolgethan vnd ein löblich  
werck / vnd wo euch jmand drum straffete / so  
würdet jr in fur toll vnd töricht halten / Vnd ich /  
als ein Heiland der seelen / solt mit den menschen  
nicht also thun / wie jr thut mit einem scheslin /  
so es doch gar kein gleichen ist / mit einer seelen / ge-  
gen allem was da lebt vnd webet von allen thieren  
auff erden / Solt jr euch denn nicht jnn ewr hertz  
schemen / mich zu meistern vnd straffen vber sol-  
chem werck / das vnmeslich besser ist / denn das  
werck / das jr selbs lobet vnd loben müisset : Das /  
wo jr mich straffet / müisset jr zuuor euch selbs ver-  
damnen.

Das heisset ja wol verantwortet / vnd mit allen  
ehren das Maul gestopfft / vnd vrsach gnug ange-  
zeigt / warumb er jrer meisterschafft nichts vberall  
darff / ja auch nicht leiden woll noch solle / So lau-  
ffen sie auch an / wie es gehöret / das sie nichts / denn  
jr eigen sund vnd schande damit erlagen / Denn es  
ist billich allen meistern ein schande / ja auch ein  
vnleidlicher gewel / das sie sich den man vnterste-  
hen zu vbermeistern / der doch aller Meister von  
Gott

Gott  
sagt h  
vrtail  
Christi  
regiren  
den /  
Denn  
thum  
sein  
regire  
das jn  
mach  
wil m  
mit d  
hoch

sten /  
alle n  
heisse  
vnd v  
Also  
den /  
renn  
habe  
Chri  
halte  
gelt v  
recht  
wir  
schar  
wil

Gott gesetzt ist/ Vnd sol auch so gehen (wie ich ge-  
sagt habe) wer einen Christen wil meistern vnd  
urteilen / vnd von seiner Tauffe vnd Artikel von  
Christo führen/ mit seiner Klugheit odder gesetz zu  
regiren/ das der nicht allein müsse zum narren wer-  
den / sondern auch grewel vnd mord anrichten/  
Denn er schendet Gotte seinen Tempel vnd heilig-  
thum/ vnd greiffet jm mit Teufflischen freuel inn  
sein Reich/ da er allein durch seinen Heiligen geist  
regiren sol / Das er redlich vnd wol verdienet/  
das in Gott widerumb zu sunden vnd schanden  
mache/ fur aller welt/ weil er inns Teuffels namen  
wil meister sein/ da Christus allein Meister ist/ vnd  
mit dem kopff leufft widder den Man / der jm zu  
hoch vnd zu klug ist.

Darumb ist nicht gut schertzen mit den Chris-  
ten/ denn es sind lebendige Heiligen/ vnd sey nur  
alle welt vnuerworren mit dem man/ der Christus  
heisset / denn man gewinnet doch nichts an jm/  
vnd wils nicht leiden/ das man in lere vñ meistere/  
Also auch ein Christ/ kan vnd sols auch nicht lei-  
den/ odder wo ers leidet vnd solchem eingeben ein-  
reumet odder weichet/ das odder dis soltu gethan  
haben odder noch thun/ so ist er verloren vnd von  
Christo gefallen/ Darumb laßt vns nur fest an jm  
halten/ vnd nicht achten/ ob vns alle welt vberklü-  
gelt vnd meistert/ denn wo wir bey jm bleiben vnd  
rechten verstand des Artikels behalten/ so wollen  
wir wol alle solche Klügler eintreiben vnd zu-  
schanden machen/ Denn dieser Christus sol vnd  
wil doch vngestraft vnd vngemeistert bleiben/  
Dij sondern

sondern er wil allein alle welt meistern vnd straf-  
fen/ das sie in müssen entweder mit gnaden/ fur  
iren herrn vnd meister/ vnd sich fur narren/ erken-  
nen/ odder mit vngnaden zu schanden werden vnd  
zu boden gehen.

Ich hab aber vor gesagt/ das diese predigt viel  
zu gut/ süsse vnd tröstlich ist/ fur den groben rohen  
hauffen/ vnd tollenn korrigen pöbel/ Vnd wir inen  
hie nichts vberal predigen/ das sie es eben wissen/  
sondern allein denen/ die inn schrecken vnd angst  
des gewissen/ odder inn todesfahr vnd nöten sind/  
vnd der Teuffel mit inen disputirt von iren sun-  
den/ das er sie inn schweermut vnd verzweilung  
treibe/ Diesen sol man dis liebliche bild furhal-  
ten/ das sie getröstet vnd frölich werden/ Die an-  
dern aber/ so vorhin im sause leben/ vnd nicht viel  
dauon wissen/ was schweermut vnd geistliche  
traurigkeit sey/ sol man zu Mose vnd meister Dan-  
sen mit seinen knechten weisen/ vnd zum Teuffel  
hinach/ Denn es ist zu gar freundlich/ vnd viel  
besser gemalet/ denn kein mensch malen kan/ vnd  
niemand so bered/ der es austreichen vnd mit wor-  
ten erlangen kan/ sondern mus mit dem glauben  
im hertzen (so viel es möglich) gefasset werden/  
Doch müssen wir ein wenig dauon anzeigen/ das  
wir ursache geben/ solchem nach zu dencken.

Ich habe auch (spricht er) hundert schafe/  
das ist das heuflin der gantzen Christenheit/ dar-  
unter eines verloren ist/ vnd aus der gemeinschafft  
der Christenheit komen/ Wiltu nu wissen/ wie mir  
zu sinn

zu sinn  
das ver-  
te/ der  
tiges v  
gescha  
flin ein  
widder  
chem s  
stehet  
sein D  
dern le  
fur im  
nur sei  
im/ vn  
ist also  
schen j  
ander  
sein he  
denn  
Dirte  
denn  
von in  
cket kn  
vnd ho  
heimb

D  
ist/ das  
mus/ v  
gar ver  
Dirten  
vnd in

zu sinn ist? so male nur/ beide solchen Dirten vnd  
das verlorne schaf wol abe/ Denn der selbige hir-  
te/ der doch nur ein mensch ist/ vnd des vnuernunff-  
tiges vihes hütet/ das zu schlachten vnd würgen  
geschaffen ist/ noch hat er zu seinem verloren sche-  
flin ein solch hertz/ das im ja so bang ist/ wie ers  
widder kriege/ als dem Scheslin selbs/ nach sol-  
chem seinem Dirten/ Vnd das Scheslin/ wo es ver-  
stehet ( wie es denn von natur verstehet ) das es  
sein Dirte ist/ so furchtet sichs nichts vberal/ son-  
dern leuffet zu im mit aller zuuersicht/ vnd gehet  
fur im her mit gantzem vertrawen/ Ja/ so bald es  
nur seine stimme höret/ so schreiets vnd leufft nach  
im/ vnd hat keine ruge/ bis es zu im kompt. Vnd  
ist also natürlich eitel freundschaft vnd liebe zwis-  
schen jnen beiden/ ja gar ein hertz vnd sinn gegen-  
ander / Das / wo das Scheslin könd reden/ vnd  
sein hertz erans schütten / so begert es nichts/  
denn zu seinem Dirten / Vnd widderumb der  
Dirte / hat kein ander sorge noch gedancken/  
denn wie er das Scheslin widder finde / das  
von im komen vnd verirret ist / leuffet vnd schi-  
cket knechte aus / wo ers nur zu suchen weis/  
vnd höret nicht auff / bis ers funden vnd widder  
heimbracht hat.

Denn er weis wol/ was es fur ein arm thier  
ist/ das allein des Dirten hülffe vnd schutz leben  
mus/ vnd im selbs gar nicht helffen kan/ sondern  
gar verloren ist vnd verderben mus/ wo es seinen  
Dirten nicht hat/ Vnd on das natürlich schuchter  
vnd irrsam ist/ vnd so bald es aus dem weg vnd

D iij vom

vom Hirten kompt/so ist es schon aus / vnd kan  
nicht bleiben / ob es gleich zu andern hirten vnd  
schafen kompt/vnd ein frembder im ruffet / son-  
dern leuffet eines lauffens durch heggen/ wasser  
vnd was fur im ist/so lang bis es dem wolff zu teil  
wird / odder sonst verdirbt. Aber doch hat es  
dagegen die tugent vnd gute art an sich/ das es  
sich mit allem vleys zu seinem Hirten hellt / vnd sei-  
ne stimme seer wol kennet / vnd wo es die selbe  
höret/so leuffet es stracks zu im/vnd leßt sich nicht  
von im weisen/ob im sonst alle welt ruffet vnd lo-  
cket / Vnd ob es schon verloren vnd verirret ist/  
doch hat es die hoffnung / so viel im die natur  
gibt / wenn es nur seinen Hirten möcht widder  
hören/so were es frölich vnd aller sorgen los/So  
ist der Hirte auch nicht darumb da/wenn er es wi-  
der findet/das er mit im zürnen/noch von sich sto-  
ssen odder dem Wolff inn rachen werffen/wolle/  
sondern alle seine sorge vnd gedancken sind / das  
ers nur auff's aller freundlichst locke/vnd auff's  
senffste mit im vmbgehe/nimpt es auff seinen ei-  
gen rucken/hebt vnd tregt es/bis so lange ers wid-  
der heim bringet.

Das ist das gemelde/inn der Creatur surgen  
bildet/dadurch vns Christus wil zeigen/wie er ge-  
sinnet ist / vnd was er thut gegen vns / vnd was wir  
vns zu im versehen sollen / Denn weil solchs war  
ist inn der natur / viel mehr ist es also inn diesem  
Reich Christi / welchs ist ein Reich der gnaden/  
vnd eitel liebe vnd trost / Darumb nim das Schef-  
lin auch fur dich/das zu diesem Hirten gehört/so  
wirstu

wirstu  
sich de  
freunde  
ge/V  
haben  
gen di  
wissen

Z  
ren ha  
im ebe  
jhe we  
cket vn  
ffen/v  
dets jr  
winck  
jrrer/V  
nes rec  
wie es  
igliche  
Artike  
getrieb  
ein So  
der die  
andere  
licher d  
stellet/  
jre vn  
So for  
gedan  
das vn  
vnd do

wirstu es also finden / wie viel mehr vnd höher er  
sich desselben annimpt / vnd wie gar hertzlich vnd  
freundlich er dafür forget / das er es widder brin-  
ge / Vnd damit wil ausgefrichen / ja ausgeschutt  
haben / sein vnausgründliche liebe vnd brunst / ge-  
gen die armen / sundigen / erschrocken / blöden ge-  
wissen / welches sind seine rechte Schesfl. n.

Denn wenn ein mensch diesen Hirten verlo-  
ren hat / vnd seine stimme nicht höret / so gehets  
im eben / wie dem Verloren Schesflin / das es jmer  
ihre weiter von jm kompt / vnd ob man im schon lo-  
cket vnd ruffet mit andern leren / das es sol zu lan-  
ffen / vnd meinen / es kome zu seinem hirten / so fin-  
dets in doch nicht / sondern leuffet jmer von einem  
winckel zum andern / vnd wird nur ihre lenger ihre  
irrer / Vnd ist kein trost noch hülffe / ehe denn es sei-  
nes rechten Hirten stimme widder klingen höret /  
wie es auch die erfahrung fur augen zeiget / vnd ein-  
iglicher im hertzen erfahren kan / Das / wenn der  
Artikel von Christo weg genommen ist / odder nicht  
getrieben wird / da kompt hie ein Kottengeist / dort  
ein Schwermer / da einer das Sacrament / der an-  
der die Tauffe / verkeret / vnd einer dis / ihener ein  
anders predigt von sonderlicher heiligkeit / vnd ig-  
licher das arme Schesflin zu sich locket / vnd sich  
stellet / als sey er der Hirte / dauon wird das Schaf  
irre vnd aber irre / bis es gar aus dem weg kompt /  
So kompt der Teuffel auch dazu / mit seinen eigen  
gedancken / die er inns hertz treibet / Ab / hettestu  
das vnd ihenes gethan / odder nicht gethan ꝛc.  
vnd doch nichts damit ausrichtet / denn das es nur  
irrer

/ vnd kan  
irten vnd  
ffet / son-  
n / wasser  
bluff zu teil  
ch hat es  
h / das es  
t / vnd sei-  
s die selbe  
sich nicht  
et vnd lo-  
irret ist /  
die natur  
t widder  
n los / So  
n er es wi-  
n sich sto-  
n / wolle /  
sind / das  
vnd auff's  
seinen ei-  
e ers wid-

ur furger  
wie er ge-  
was wir  
lchs war  
n diesem  
gnaden /  
s Schesfl  
ehört / so  
wirstu

irrer wird / das es nicht weis / wo es bleiben  
sol / Das geschicht gewislich / wo der Christus aus  
den augen kompt / vnd der Artikel nicht klinget /  
Man lere / rate odder weise / wie man wolle / so  
wird es nur erger / vnd kompt dem verderben ne-  
her / Es sey denn / das der rechte Hirte widder zu  
im kome / mit seiner eigen stimme.

Daber sollen wir nu lernen / vnsern Herrn Chri-  
stum recht kennen vnd einbilden / das wir in ja  
nicht ansehen / als einen Tyrannen odder zornigen  
Richter (wie man in bisher gepredigt hat / vnd der  
Teuffel allzeit dem hertzen furhellt) als der hinder  
vns stehe mit einem schwerd / Sondern wie das  
Schefflin natürllich seinen Hirten ansibet / gar  
nicht als ein solchen / der es schrecken / jechen vnd  
schlahen wolle / Sondern / so bald es nur den sel-  
ben sibet / so wird es fro / vnd gewinnet eine hoff-  
nung / das im schon geholffen sey / vnd nicht mehr  
furchten noch sorgen dürffe / vnd leufft flugs zu im  
zu mit aller zuuersicht / Also auch / wenn vnser zu-  
uersicht sol anfahen / vnd wir gesterckt vnd getrö-  
stet werden / so müssen wir vnser Hirten stim wol  
kennen lernen / vnd alle ander stim lassen faren / die  
vns nur irre machen / vnd hin vnd widder jechen  
vnd treiben / vnd allein den Artikel hören vnd fas-  
sen / welchen vns Christus inns hertz malet / auff  
aller freundlichst vnd tröstlichst / wie man in jmer  
malen kan / Das es könne mit gantzer zuuersicht  
sagen / Mein Herr Ihesus Christus / ist ja der  
einige Hirte / vnd ich leider das verlorne Schaf /  
das inn der irre geloffen ist / Vnd ist mir angst vnd  
bange /

bang  
Gott  
albi  
nach  
kome  
sten v  
das er

len v  
gesch  
hat /  
noch  
ffen /  
meist  
sey A  
denn  
keine  
anch  
Mir  
ich er  
euch  
Als r  
let / h  
so w  
den /  
digen  
lerley  
ben  
man  
zu pr  
von

bange/vnd wolt gerne frum sein/einen gnedigen  
Gott vnd fride im gewissen haben / So höre ich  
alhie / das jm ja so bange ist nach mir / als mir  
nach jm / Mir ist angst vnd wehe / wie ich zu jm  
kome/das mir geholffen werde/So ist er inn eng-  
sten vnd sorgen/vnd begeret nichts anders/denn  
das er mich widder zu sich bringe.

Sihe/wenn wir also kündten sein hertz ma-  
len vnd inn vnser hertz drücken/das er solch aus-  
geschutt begird / angst vnd verlangen nach vns  
hat/so kündten wir vns ja nicht fur jm entsetzen/  
noch fürchten/sondern würden frölich zu jm lau-  
ffen/vnd bey jm allein bleiben/kein ander lere noch  
meister hören. Denn wo ein ander lere kompt/es  
sey Moses oder andere/die thut gewislich nichts/  
denn das sie vns nur jechet vnd plagt/das wir zu  
keiner ruge noch fride komen können / Darumb  
anch Christus Matth. am eilfften sagt / Kompt zu  
Mir / alle die jr müheselig vnd beladen seid / so wil  
ich euch erquicken / vnd nemet mein joch auff  
euch / so werdet jr ruge finden fur ewre seelen ꝛc.  
Als wolt er sagen / Lauffet vnd suchets wo jr wol-  
let / höret vnd lernet alles was man predigen kan/  
so werdet jr kein ruge noch fride des hertzens fin-  
den / on allein bey mir / Gerne wollen wir lassen pre-  
digen von gutem leben / die Zehen gebot vnd al-  
lerley lere / aber nicht weiter / denn vmb des gro-  
ben pöbels vnd vnfers alten Adams willen / das  
man den selben fort treibe / Aber dem gewissen  
zu predigen / das da inn angst vnd schrecken steckt /  
von seinen sunden / da sol bey leib kein ander wort  
E klingen/

Klingen/on von Christo/Denn das ist das arme  
verloren Scheslin/welchs keinen meister sol noch  
kan haben vnd leiden / on diesen seinen einigen  
Dirten/welcher gar nicht mit Gesetz treiben noch  
foddern mit jm handelt/ sondern auff's aller süß  
fest vnd senffste mit jm vmbgehet/vnd das Sches  
lin mit alle seiner not /sunde vnd angst auff sich  
nimpt / vnd selbs thut / was das Scheslin thun  
solt/wie wir weiter hören werden.

Denn hie mus man wol vnterscheiden ( wie  
ich vorhin auch gnug gesagt habe ) zwischen der  
zweierley predigt / odder Mose vnd Christi stim  
me/das man bey leib keinen Mosen lasse zu dem  
verloren Scheslin komen / wenn ers gleich auff's  
beste machet/Denn wo mans inn einander wil ko  
chen / vnd ein betrübt gewissen mit dem Gesetz  
also tröstet / Dab guten mut/du hast ja nicht ge  
mordet/ noch die ehe gebrochen vnd grobe stück  
gethan / odder hast es ja gut gemeinet &c. Das ist  
auch ein trost/aber er weret nicht lang / vnd kan  
die büffe nicht halten/Denn das heisst noch nicht  
weiter noch höher getröstet/denn auff sich selbs/  
damit ist dem armen Scheslin nichts geholffen/  
Denn es bleibt gleich wol verirret vnd verloren/  
vnd kan jm selbs nicht helffen / noch zu seinem  
Dirten komen/Sol jm aber geholffen werden/so  
mus man jm den rechten Dirten zeigen/der da ko  
me vnd suche es/das ers widder hole / vnd seine  
stimme lassen klingen / So kan es einen rechten  
trost empfaben / das es dem Mose thar antwor  
ten/vnd sagen/ Ich achte itzt weder deines trosts  
noch

noch s  
du kan  
der/vn  
Aber j  
nicht l  
bekem  
flin bir  
ich tro  
verlor  
cken t  
frum c  
sto ko

Z  
die leu  
nicht  
Gleich  
dresch  
frane  
einen  
weich  
odde  
könn  
recht  
Klug  
Gese  
lente  
las n  
nige  
tzt v  
ymb  
im r

noch schrecken mehr / vnd mache es nur so böse als  
du kanst / las mich sein ein mörder vnd aber mör-  
der / vnd meinen vater vnd mutter gehengt haben /  
Aber jtz / weil ich erschrocken bin / wil ich dich  
nicht hören / noch dir folgen / Denn ich füle vnd  
bekenne selbs / das ich leider ein arm verloren sche-  
flin bin / Aber das ist mein heil vnd trost / darauff  
ich trotze / das ich den Dürten habe / der mich sein  
verloren scheflin selbs suchet / vnd auff seinem ruc-  
cken tregt / Da las vns von disputirn / nicht wie  
frum odder böse ich bin / sondern wie ich zu Ch-  
sto kome.

Darumb mus man allzeit predigen / darnach  
die leute sind / Denn ich hab gesagt / das diese lere  
nicht dienet / fur einen groben / harten menschen /  
Gleich wie es nicht dienet / das man einem groben  
drescher zucker vnd köstliche labfal gebe / die einem  
Krancken gehöret / sondern hart brod vnd kесе / vnd  
einen trunck wassers sol man jm geben / Aber ander  
weiche vnd niedliche speise / spare fur die krancken  
odder junge kinder / die nichts hartes verdawen  
können / Also mustu auch hie zusehen / das du es  
recht teilest / vnd iglichem sein gebür gebest / wie ein  
Kluger Haushalter / Also / das du Moses vnd des  
Gesetzes predigt behaltest / bis du harte / rucklose  
leute findest / die sicher vnd on furcht leben / die  
las nur grobe drescher speise essen / das ist / den zorn-  
nigen Mosen hören / der da erein donnert vnd bli-  
tzet vom berge Sina / die kinder Israel würget vnd  
ymb bringet inn der wüsten / den König Pharao  
im roten meer ersenfft / rc. Wo aber betrubte /  
L ij schwache

schwache hertzen vnd gewissen sind / vnd nu Verlorne Scheflin worden / da schweig nur von Mose vnd allen wercken Gottes / inn dem Gesetz gethan / vnd sage allein von den wercken / durch Christum zur zeit der gnaden gethan / vnd bilde dem armen gewissen wol ein / wie er sich gegen dem verloren Scheflin erzeigt / Nemlich / das er sey der liebe frume Hirte / dem so angst vnd bange ist nach dem Scheflin / das er alles stehen vnd ligen lesst / das er nur dasselbe widder hole / vnd lesst nicht abe / bis es widder heim bringet / Denn es ist im leid / das ein mensch inn sunden steckt / betrübt vnd verzagt ist / vnd kans nicht leiden / das er darinn bleibe vnd verderbe / Sondern locket dich mit seinem süßen Euangelio auff's aller freundlichsten / das du nur zu im komest / vnd lassst dich auff seine schuldern nemen vnd tragen / vnd sein liebes Scheflin heissest.

Denn jener hauffe mus nicht das Verlorne Schaf heissen / der da sicher vnd im sause lebt / sich nichts drumb bekümmert / ob Gott droben zürne oder lache / sondern ist ein wilder Bock / der sich weder hüten noch halten lesst / Sondern / den seine sunde drücket / vnd im kampff des glaubens stehet / da es nicht gilt / Mosen zu verlieren / sondern Christum vnd seinen heubtartikel / das ist / da das gewissen inn sorgen vnd engsten ist / ob im Gott gnedig sey / Das ist der rechte man / der nach seinem Hirten seufftzet vñ schreiet / vnd wolte im gerne geholffen haben / wie David / Psalm. cxix. sagt / Ich bin wie ein verirret vnd verloren Schaf / Verre / suche deinen knecht / &c. Solchen schmecket auch

auch d  
damit  
verzwe  
trost v  
inn Ch  
odder f  
Gott h  
Moses  
es auch  
nicht v  
morden  
Aber es  
dern nu  
gehät n  
vnd da  
chen tr  
gethan  
gen / d  
lerbeste  
zu sund

D  
wen / so  
sproche  
das wil  
cken ler  
ckel / da  
nen we  
seinen v  
verlore  
sey / so a  
nicht s

auch der zucker/vnd diese freundliche/süße labfal/  
damit das hertz erquicket wird / das es nicht inn  
verzweinelung falle / sondern sich durch solchen  
trost widder auffrichte / nicht inn Mose / sondern  
inn Christo / nicht das er Mosen zu freund habe  
odder stillen könne / sondern das er ein gnedigen  
Gott hat inn seinem Herrn Christo / Gott gebe/  
Moses bleibe mit seinem trost wo er kan / Wie wol  
es auch fein ist / vnd sol auch da sein / das man  
nicht wolle widder das Gesetz / rauben / stelen/  
morden / oder dem nehesten vnrecht vnd leid thun/  
Aber es ist nicht der rechte trost des hertzens / son-  
dern nur ein kützel auff der haut / der nicht durch  
gehét noch bleibet / Denn wenn der Teuffel kompt  
vnd das hertz angreiffet / so nimpt er doch allen sol-  
chen trost hinweg / Vnd ob du gleich etwa recht  
gethan hast / so bringet er wol zehenerley dage-  
gen / dawidder gethan / ja er kan wol inn den al-  
lerbesten wercken viel unreines finden / vnd alles  
zu sunden machen.

Darumb ist auff solchen trost nichts zu ba-  
wen / sondern nur frisch weg geschlagen / vnd ge-  
sprochen / Gott gebe / ich sey frum odder nicht /  
das wil ich sparen an seinen ort / da man von wer-  
cken leren vnd handeln sol / Aber inn diesem Zir-  
ckel / da ich itzt stehe / gilts nicht handeln von mei-  
nen wercken vñ frömkheit / sondern von Christo vnd  
seinen wercken / die er gegen mir thut / als seinem  
verloren Scheslin. Wiltu nu fragen / ob ich frum  
sey / so antworte ich schlecht / Nein / vnd wils auch  
nicht sein / inn diesem Zirckel / Fragstu aber / ob

L iij      Christus

Christus frum sey/so kan ich vngezweinelt Ja sagen/ vnd in fur meine frömkheit setzen/ vnd mich trotziglich darauff beruffen/ Denn ich bin ja dar auff getaufft/ vnd habe hie die sigel vnd briene im Euangelio/ das ich sein liebes Scheslin bin/ vnd er der gute frume Dirte ist/ der sein verloren Scheslin suchet/ vnd gar on Gesetze mit mir handelt/ nichts von mir foddert/ weder treibet/ drewet noch schreckt/ sondern eitel süsse gnade mir beweiset/ vnd sich selbs vnter mich herunter lesset/ vnd auff sich nimpt/ das ich nur auff seinem rücken linge/ vnd mich tragen lasse/ Warumb wolt ich mich denn fürchten/ fur Moses schrecken vnd donnern/ vnd des Teuffels dazu? weil ich inn des mans schutz lige/ der mir seine frömkheit vnd alles was er hat zu eigen gibt/ vnd mich tregt vnd hellt/ das ich nicht kan verloren werden/ weil ich ein Scheslin bleibe/ vnd nicht den Dirten verlengne/ odder mutwilliglich von jm falle.

Also hastu das bilde auff's aller freundlichste furgestellet/ wie es jmer mag gemalet werden/ Es ist aber nur umb den glauben zu thun/ Denn das bilde ist wol fein vnd tröstlich/ vnd die rechte warheit/ Aber daran feilet's/ das sichs nicht so fület im treffen/ da mans fülen sol/ Denn weil das Scheslin inn der irre leufft/ das ist/ wenn der mensche seine sunde fület/ das sie in drücken/ vnd nicht weis/ wo er bleiben sol/ vnd der Teufel in schreckt/ so findet sich nur das widderspiel/ vnd kans nicht fassen/ das es war sey/ entfellel jm gar was er hie gehört hat/ durch das gegenwertige fülen vnd erfahrung/

erfaru  
verker  
zorn v  
schwe  
die ang  
versen  
sibet/  
her ge  
sten in  
Regen  
nem m

D  
schalet  
lin/ das  
den an  
mehr k  
namen  
von Ch  
Mose/  
das es  
sich sell  
an sich  
vnd sch  
vnd be  
Darum  
achtet/  
Christu  
die ang  
hertz fa  
nur nac  
dem sel

erfarung / Denn der Teuffel hat im sein gesicht  
verkeret / das er nicht anders fület / denn Gottes  
zorn vnd vngnade / vnd damit das hertz so be-  
schweret / das er sich nicht drüber erheben / noch  
die augen dauon wenden kan / Ja so tieff darinn  
versenckt ist / das er auch an Christo nicht anders  
sibet / denn einen zornigen Richter / wie er auch bis  
her gemalet / vnd durch die Schendlichen Papi-  
sten inn alle hertzen getrieben ist / allein auff dem  
Regenbogen sitzend / mit einem schwerd inn sei-  
nem munde.

Denn das ist die rechte Teuffels kunst vnd  
schalckheit / die er treibet widder das arme Schef-  
lin / das er solch bild verkeret / vnd ein geplerr für  
den augen machet / das es seinen Wirten nicht  
mehr kennen kan / vnd den menschen vnter dem  
namen Christi / vnter Mosen füret / das er eben  
von Christo disputirt / wie er zuuor gethan hat mit  
Mose / Das er wol eines starcken glaubens darff /  
das es war sey / vnd der mensch allererst widder  
sich selbs darob kempffen mus / Denn das fülen ist  
an sich selbs starck / so machet der Teuffel die sund  
vnd schrecken so gros / das einem möcht marck  
vnd bein / vnd das hertz im leib verschwinden /  
Darumb ist es nicht so bald zu lernen / als mans  
achtet / wenns fride ist / da gleubt man fein / das  
Christus so lieblich vnd freundlich ist / Aber wenn  
die angst vnd schrecken daher gehen vnd vber das  
hertz fallen / so ist der mensch blind vnd toll / wil  
nur nach seinem hertzen vnd fülen richten / henget  
dem selben nach / vnd stercket sich inn seinem ir-  
thum /

thum/Denn er ist darinn gefangen/vnd kan nicht  
anders dencken/denn es sey also/Vnd ist doch  
nicht war.

Das were nu die kunst/das er künde zu seinem  
eigen hertzen sprechen/Wenn du dich für ein verlo  
ren Schaf bekennest/so sagstu recht/aber das du  
darumb wilt von Christo lauffen/vnd in so einbil  
dest/als sey er der man/der dich jagen vnd schre  
cken wölle/das ist der leidige Teuffel/Denn wenn  
du in recht ansehest vnd kennetest/als deinen rech  
ten Hirten/so würdestu dich nicht für im schewen  
noch erschrecken/sondern mit freuden vnd zuver  
sicht zu im lauffen/Denn er ist ja nicht darumb  
da/das er dich verdamnen wölle/sondern kompt  
zu dir vnd suchet dich/das er dich auff seinem  
rucken trage/vnd von sunden/jrthum/Teuffels  
gewalt vnd allem vnglück helffe vnd erlöse/Für  
lestu nu/das du ein sunder bist/vnd Gottes zorn  
verdienet hast/so soltu eben darumb deste mehr  
nach dem lieben Hirten schreien vnd lauffen/das  
er dir danon helffe/Vnd in nicht anders einbilden  
lassen/denn wie das Scheslin seinen Hirten ein  
bildet/welchs sich nicht kan für im fürchten/son  
dern frölich vnd getrost wird/so bald es in sibet  
vnd höret/ob es gleich von im gelauffen ist/das es  
seinem verdienst nach ursach hette/sich für im zu  
fürchten/aber es weis wol/das er kein zorn noch  
vngnade widder solch Scheslin tregt/vnd kan  
nichts/denn eitel liebe vnd alles guts sich zu im ver  
sehen/Also ist es alles darumb zu thun/das du in  
nur lernest recht ansehen nach dem wort/nicht  
nach dei

nach d  
mensch  
sein W  
hat ers  
weist/  
stenheit  
Wort j  
ten/vnd  
tünden  
setzen/  
vnd all  
falsch s  
aber die  
so viel d  
sie ein m  
nichts  
lest sich  
es ist m  
die sich

D  
Christi  
gemale  
im so an  
nach le  
das er e  
das er j  
elende l  
seine fr  
den seit  
ander/  
gefalle

nach deinen eigen gedancken vnd fülen / Denn  
menschen gedancken sind falsch vnd lügen/aber  
sein Wort ist war vnd kan nicht liegen/Denn so  
hat ers auch mit lebendiger that vnd Exempel be-  
weist/vnd beweiset noch inn der gantzen Chris-  
tenheit teglich / Darumb müssen wir allein das  
Wort ins hertz drücken/vnd vns selbs drein flech-  
ten/vnd die kunst lernen/das wir vnser eigen hertz  
künden lügen straffen/vnd diesen Artikel dagegen  
setzen / Denn der selbe mus allein war bleiben/  
vnd alles was dawidder sagt / mus erlogen vnd  
falsch sein/Aber es ist eine kunst/die ich nicht kan/  
aber die andern leichtfertigen geister viel weniger/  
so viel dauon rhümen/als die alles können/wenn  
sie ein mal dauon gehort haben / vnd doch nimer  
nichts dauon schmecken noch erfahren / Denn es  
lefft sich wol reden vnd predigen/aber wie schwer  
es ist mit der that zu beweisen/das erfahren die wol/  
die sich mit ernst drummb annemen.

Das ist nu die erste anzeigung des lieblichen  
Christi/durch in selbs inn diesem Euangelio für-  
gemalet/das er sein hertz so gar ausschüttet/vnd  
im so angst ist nach dem Schemlin/das er im allein  
nach leufft/ausser den neun vnd neunzigen/nicht  
das er es wölle schrecken odder schlagen/sondern  
das er im helffe vnd widder heim bringe/vnd das  
elende betrübt hertz vnd gewissen erfrewe/durch  
seine freundliche/süffe stimme/Also/das auff bei-  
den seiten eitel hertzliche liebe vnd freude ist gegen-  
ander / Das du sehest/wie du im grosse lieb vnd  
gefallen daran thust/wenn du dich von gantzem  
F hertzen

hertzen zu jm heltest/vnd alles guten zu jm versta  
best.

Zum andern sihestu/wie er solche seine freun  
de vnd vnaussprechliche gütigkeit ausschüttet mit  
allerley eusserlichen zeichen vnd geberden / wie  
freundlich er sich stellet/wenn er nu das Scheslin  
funden hat/Denn er handelt doch gar nicht mit  
jm/ mit einigem gesetz odder treiben / wie er wol  
recht hette/das ers fur jm her triebe/wie die an  
dern schafe/vnd selbs gehen lieffe/Sondern ferret  
zu/vnd legt es auff die achsel / vnd tregt es selbs  
den gantzen weg durch die wüsten/Nimpt alle er  
beit vnd mühe auff sich/das nur das Scheslin ru  
ge vnd gemach habe/vnd thut es von hertzen ger  
ne/ja er ist eitel freunden vol / das ers nur widder  
hat/Dagegen sihe auch/wie wol geschicht dem  
lieben Scheslin/wie gar ligt es mit aller ruge vnd  
sicherheit / auff seines Dirten rücken / vnd hats  
auch gerne/das es so sanffte ligt/vnd nicht gehen  
darff/sicher vnd on sorge / beide fur hunden vnd  
wolffen / das ist / fur allem irthumb vnd lügen/  
fahr vnd verderben/Das heisst ja ein freundlich  
gemeld/vnd trefflich lieblich vnd tröstlich anzuse  
hen.

Denn vnser Herr Christus thut eben also/  
wenn er vns erlöset/welchs er ein mal leiblich ge  
than hat inn seinem leiden vnd sterben/ aber jtz  
jmerdar inn der krafft vñ geistlich thut / durch sein  
wort / Damit legt er vns auff seine achsel/tregt  
vnd schützet vns/das wir sicher sind fur aller fahr  
der sunde/ Teuffels vnd tods/ob sie gleich schre  
cken vnd sich stellen/als wolten sie vns weg reißen  
vnd

vnd fr  
nesen v  
chts fr  
dem L  
anfech  
len/vn  
get den  
Also a  
stehen  
stum v  
auffer  
wir ver  
könne  
ret/rc.  
bahn/  
dern h  
ligen a  
Denn  
schreck  
lassen/  
verlore

Der  
ten noc  
es der h  
es veri  
wider f  
dern d  
lange  
hat/au  
nicht a  
wolff

vnd fressen/ Denn das tragen thuts/das wir ge-  
niesen vnd bleiben fur allem vnglück/vnd vns ni-  
chts fürchten dürffen/gleich wie das Scheflin/so  
dem Dirten auff dem rücken ligt/leßt sich nichts  
anfechten/ob es schon die hunde feindlich anbel-  
len/vnd der wolff vmbher schleichet/sondern hen-  
get den kopff hin on sorge/vnd schlefft wol dazu/  
Also auch wir/wenn wir nur inn diesem Artikel  
stehen vnd bleiben/Ich glenbe an Ihesum Chri-  
stum vnsern Herrn/fur vns gelidde/gestorben/  
aufferstanden &c. so dürffen wir nicht sorgen/das  
wir verloren werden/odder der Teuffel vns fressen  
könne/ob er schon seinen rachen weit auff sper-  
ret/&c. Denn wir sind als denn nicht auff vnser  
bahn/gehen auch nicht mit vnsern füßen/son-  
dern hengen vnserm lieben Dirten am hals/vnd  
ligen auff seinem rücken/da wir wol sicher sind/  
Denn die sünde/tod vnd helle/ob sie wol böse vnd  
schrecklich sich stellen/müssen in wol vngefressen  
lassen/Sonst weren wir arme Scheflin gar bald  
verloren vnd verdorben.

Denn gleich wie sich das Schaf nicht selbs hü-  
ten noch fursehen kan/das es nicht irre werde/wo  
es der hirte nicht jmer weiset vnd leitet/Vnd wenn  
es verirret vnd verloren ist/kan sichs nicht selbs  
wider finden noch zu seinem Dirten komen/Son-  
dern der Dirte selbs mus im nach gehen/vnd so  
lange suchen/bis ers findet/vnd wenn ers funden  
hat/auff seinen rücken fassen vnd tragen/das es  
nicht widder von im geschreckt/veriecht oder vom  
wolff erhaschet werde/Also auch wir/können

F ij vns

vns weder helffen noch raten/das wir zu ruge vnd  
fride des gewissens komen möchten/vnd dem Teu  
fel/tod vnd helle entlauffen/wo vns nicht Chris  
tus selbs durch sein wort widder holet vnd zu sich  
ruffet/Vnd ob wir zu im komen vnd im glauben  
sind/vermögen wir vns doch nicht selbs darinn zu  
erhalten noch zu bestehen/wo er vns nicht selbs  
imer durch dasselbige sein wort vnd krafft/hebt  
vnd tregt/weil der Teuffel allenthalben vnd on  
vnterlas auff vns lauret vnd vmb vns her schlei  
chet/als ein brüllender lewe (wie S. Petrus sagt)  
das er vns fresse / Das doch hie gar nichts gilt/  
etwas von vnserm freien willen oder krefftten rüh  
men/weder anzufahen noch fort zu faren vnd da  
bey zu bleiben/Sondern Christus vnser Dirte als  
lein alles thun mus.

Nu aber sind wir des sicher/so lang wir auff  
Christus rücken ligen/das wir wol bleiben wer  
den/fur allem schrecken vnd vnglück / Denn er  
wird vns freilich nicht von seinem hals reißen las  
sen/noch von sich werffen/weil er so frölich vnd  
guts muts ist/das er das Scheslin nur widder hat/  
vnd zu dem andern hauffen bringen sol / Kurtz/  
Es ist kein schrecken/treiben noch foddern / son  
dern eitel freundlich tragen / vnd eitel leben der  
gnade/damit er seines Scheslins auff's aller senff  
ste pflegt/Dagegen Moses/nicht als ein Dirte der  
armen schwachen Scheslin/sondern des groben  
starcken viehes/mit seinem stab vnd stecken/seine  
Herde fur sich her treibet drey tagreise lang / inn  
der wüsten/bis sie müde werden / Denn solches  
gehöret

gehöre  
wir/w  
dem fle  
selbs g  
Aber n  
leiden/  
vns fod  
auff's s  
wagen  
schulde  
sagt ha  
das er f  
de auff  
vnd für  
ewigen  
lang w  
vnser le  
allein a  
sem Zu  
sunde/  
Christe

N  
das er d  
vnd so p  
wenn e  
freude  
samen/  
machen  
gantzer  
vnd mü  
der der

gehöret für die harten / groben leute / Vnd auch  
wir / wenn wir vnter Mose komen / nemlich / nach  
dem fleisch vnd ensserlichem leben / da müssen wir  
selbs gehen / vnd thun was das Gesetz foddert /  
Aber nach vnserm Christenthum / sollen wir nicht  
leiden / das man ein werck auff vns treibe noch von  
vns foddere / sondern allein vns tragen lassen / vnd  
auffs seuberlichst heben / nicht auff pferd noch  
wagen / sondern auff seinem eigen rücken vnd  
schuldern ligend / Welchs geschicht / wie ich ge-  
sagt habe / wenn er vns das wort predigen lesst /  
das er für vns gestorben / vnd am Creutz vnser sun-  
de auff seinem leibe getragen / den Teuffel mit tod  
vnd funde vnter seine füsse gelegt / vnd vns zum  
ewigen leben gefurt hat / vnd tregt vns jmerdar so  
lang wir leben / das wir nicht dürffen sehen auff  
vnser leben / wie frum vnd starck wir sind / sondern  
allein auff seinen schuldern ligen / Denn jnn die-  
sem Zirkel odder Artikel / dürffen wir für keine  
funde / tod noch leben / sorgen / sondern alles jnn  
Christo haben / der vns tregt vnd erhellt.

Im hat er nicht gnug an den zweien stücken /  
das er das Verloren Scheslin so freundlich suchet /  
vnd so sanfft vnd mit freunden tregt / sondern auch  
wenn ers heim bringet / ein sonderlich fest vnd  
freude anrichtet / ruffet nachbarn vnd freunden zu  
samen / das sie sich mit jm frewen sollen / Ja er  
machets so gros / das Gott im himel sampt dem  
gantzen himlischen heer drüber erfrewet wird /  
vnd mit jnen alle Creaturn / vber einen armen sun-  
der der da busse thut / Damit er anzeigt vnd aus-  
legt /

F ij

legt/wer der ist/den er sein Verloren Scheflin bet/  
ffet/nemlich / Ein solcher sunder der busse thut/  
das ist/der seine funde fület/vnd im hertzlich leid  
find/vnd der selben gerne wolt los werden/vnd zu  
Christo komen/vnd sein leben bessern/auch eusser/  
lich/Welchs heisst ein jamerig betrübt hertz/vnd  
zuschlagen gewissen/dem der Teuffel zusetzt/das  
es fur leid vnd betrübnis versincken möchte zc.  
Denn er ist auch ein solcher man/der kein Schaf  
suchet noch tregt/denn das da verloren ist/vnd im  
selbs kein rat noch hülffe weis.

Nu sibe/wie kündte er doch freundlicher vnd  
tröstlicher predigen? odder was solt er mehr thun/  
ein hertz frölich zu machen/vnd ein starcke zuner/  
sicht zu im zu erwecken? Weil wir solchen Wirten  
sehen / durch in selbs vns armen fundern fur ge/  
malet/der sein Scheflin so vngerne verleuret/vnd  
so sehnlich suchet/vnd wenn ers findet/mit allen  
freunden tregt / vnd solche freude ausbreitet / das  
sich alle Engeln vnd Heiligen / ja alle Creaturr  
dazu/mit im vber vns frewen/vnd freundlich an  
lachen / das auch die Sonne mus viel lieblicher  
scheinen/Wie es denn natürlich geschicht / das/  
wenn ein mensch betrübt ist/so sibet in auch die  
Sonne/vnd alles was er sibet/finster an/widder/  
umb/wenn das hertz frölich ist/so sibet der mensch  
auch noch eins so frölich / vnd scheinen im alle  
ding liechter vnd heller.

Wer nu das fest kündte glauben/der solt ja auch  
rechten trost vnd freude/jnn vnd durch den Herrn  
Christum

Christu  
heissun  
hell/v  
das er e  
freunden  
gar viel  
mut des  
dencker  
blossen  
schepffe  
etliche k  
chten si  
lichen r  
sie sich f  
fressen /  
viel erb  
sie sich r  
en sie nu  
freude  
lieblich  
den/das  
jnn Ch  
findestu  
seinen s  
trost ge  
hertzen  
vnd alle  
betteft.

Gedr

Christum empfahen/weil er alhie die gewisse ver-  
heissung hat / das / wo er sich also an Christum  
hellt/vnd sich lesst auff seinen schuldern tragen/  
das er ein lieber gast ist im himelreich/vñ mit allen  
freuden empfangen wird. Aber es fület sich auch  
gar viel anders / inn der traurigkeit vnd schweer-  
mut des gewissens/da das hertz nicht anders kan  
dencken/denn es stehe ein iglicher Engel mit einem  
blossen schwerd hinder jm/das er keine freude kan  
schepffen/weder von Gott noch Engeln/das auch  
etliche keine Creatur können frölich ansehen/fur-  
chten sich fur der lieben Sonnen/ja fur einem ig-  
lichen rausschenden blat/Das machet alles/das  
sie sich selbs mit iren eigen gedancken beissen vnd  
fressen / vnd wolten sich gerne eraus wircken / so  
viel arbeiten / vnd sich selbs so frum fülen / das  
sie sich nicht dürfften fürchten/Aber damit mach-  
en sie nur vbel erger. Wiltu aber rechten trost vnd  
freude im hertzen erschepffen / so lerne nur solch  
lieblich bild vnd wort des Euangelij wol einbil-  
den/das du es suchest wo es zu suchen ist/nemlich/  
inn Christo vnd sonst nirgend/Denn inn dem man  
findestu es alles/wo du nur inn seiner hut vnd auff  
seinen schuldern bleibest / Was aber auffer jm fur  
trost gesucht mag werden/das gehet doch nicht zu  
hertzen/ob du gleich alle Creatur zu hülff neme-  
st/vnd aller welt freude vnd lust auff einen hauffen  
hettest.

Gedruckt zu Wittemberg/durch Hans Lufft.

M. D. XXXIIL


ja auch  
Denn  
Christum

Faint, illegible text, likely bleed-through from the reverse side of the page.


Druck und Verlagsort  
M. D. XXXIII







*Faint, illegible handwriting at the top of the page, possibly a title or header.*



1004

Georgs-B.







267



*Alte die 770*

